

太上黃籙齋儀卷之六

太上黃籙齋儀卷之七

寶七

唐廣成先生杜光庭集

第三日清旦行道

入戶

各禮師存念如法

衛靈

天書教羅

下盼太微

元化生成

靈煙九回

八景六周

聖運所持

左寶赤方

右啓帝扉

東華南府

灌鍊辟非

回輪日曜

轉盼月暉

今日大慶

萬道同歸

玄壇正炁

保天無衰

普告三界

驛龍風馳

鳴法鼓二十四通

无上三天玄元始三炁太上老君召出_臣等

身中三五功曹左右官使者左右捧香驛龍

騎吏侍香金童傳言玉女五帝直符直日香

官各三十六人出當召此間土地里域真官

正神速出嚴裝關啓_臣今正爾燒香奉為某

官某乙為國為家奉修无上黃籙大齋若干

日夜以今第三日清旦登壇焚香行道願得

太上十方正真生炁降流_臣等身中所啓速

達徑御

各稱法位

至真无極大道玉皇上帝御前

上清玄都弟子_臣等謹同誠上啓

虛无自然元始天尊无極大道太上大道君

大聖祖高上大道金闕混元天皇大帝太上

若君高上玉皇十方已得道大聖衆至真諸

君丈人三十六天帝君玉虛上帝玉帝太帝

東華南極西靈北真玄都玉京金闕七寶玄

臺紫微上宮靈寶至真明皇道君三十六部

尊經玄中大法師東嶽上卿司命真君西極

總真王君太平下教二十四真人五嶽靈宮

名山洞府得道神仙三界真靈_臣等伏聞太

漠混融至真澄寂元尊無化大道御天崇不

宰之玄功啓長生之秘捷理出隨迎之表教

垂億劫之先普度羣生大弘神化_臣等夙資

福運生稟靜基獲佩靈章遵承妙旨立功行

教佐國為死凡有所祈理宜陳奏今奉詞旨

敢具上聞

讀詞

按如詞言誠深修奉恭為家國普及存亡稽首玄虛冥心丹切所宜汲引俾達誠析是敢依按玄科建修黃籙法下元之品格披上聖之簡文錄沐形神精修齋直

以今清旦行道請法眾等運茲初檢上香願此香煙騰空徑上供養

无上至真道寶_臣等歸身歸命首體投地仰

太上三尊願以是功德上資宗廟尊靈證品

太虛樓具

玄極

皇帝崇宸繼聖丹宸朝元揖羣后於華胥納萬方於仁壽皇后昭宣四德保乂六宮山河維帝子之城磐石固宗臣之國公侯卿輔中外職察百度惟真羣生蒙慶今故燒香歸依師尊大聖眾至真之德得道之後昇入无形和與道合具以今清旦行道請法眾等運茲二檢上香願此香煙騰空徑上供養

无上至真經寶_臣等歸身歸命首體投地仰

太上尊經願以是功德歸流某家九世幽儀

六親滯識北宮釋魄南府鍊神濯形流火之

池列品飛香之殿往生淨域託化瓊都今故

燒香歸依

師尊大聖眾至真之德得道之後昇入无形

和與道合具

以今清旦行道請法眾等運茲三檢上香

願此香煙騰空徑上供養

无上至真師寶_臣等歸身歸命首體投地仰

依

太上三尊願以是功德奉福家國眷屬親姻

咸寶景脫沐靈津而養壽漱瓊醴以安神萬

善同臻百靈共衛考該品彙普及四生聖澤

所霑並登真道今故燒香歸依

師尊大聖眾至真之德得道之後昇入无形

和與道合具

禮方

懺悔

法虛

頭腦禮金闕 携手邀玉京 鸞樹圍景園

煥爛七寶林 天歌三百名 獅子巨萬尋

飛龍躡躡吟 神鳳應節鳴 靈風扇奇華

清香散人襟 自無高仙才 焉能耽此心

三啓 三禮

_臣等至心稽首禮

太上无極大道

_臣等至心稽首禮

三十六部尊經

_臣等至心稽首禮

玄中大法師

重稱法位

上清玄都弟子_臣某等謹重誠上啓

太上无極大道元始天尊太上大道君太上

老君十方无極大道道德眾聖天尊至真太

帝天尊三十六部尊經玄中大法師上相上

宰四司五帝三界應感一切真靈_臣聞有物

混成先天地而垂迹周行不殆並日月以騰

光鼓六炁於虛无扇八風於寥廓生成品物

含孕生靈惟古及今安家濟國共丕承
道化夙荷

玄功恩報君親莫先齋直仰慮德曾往誠見
在親線結答蒙於三官積愆玆於九地未蒙
原赦猶滯幽局依按典儀精崇齋福伏冀

具仙唐萃

靈澤遐覃勅五帝四司三官九府威光下燭
開度神儀至于過去見存三業諸罪承茲福
祐咸乞蕩除上願宗廟尊靈昇神碧落
聖躬和暢

帝道昭明書軌混同華夷寧謐邊烽不警封
埃無虞百穀阜成三光朗晏外藩內屏良輔
元勳克贊雅熙永光聖運然後九幽泉曲六
趣三塗蠢動飛沉咸登道域上明
天專弘慈之澤下副臣等歸命之誠謹啓以
聞

發念

一念為道四大合德齋主七世父母免墮憂
苦上升天堂衣食自然
二念帝王國主道化興隆庠序濟濟皇教恢

私成儀異普天所瞻民稱太平四夷賓
伏妖惡自滅聖賢日生

三念法師功德大建教化明達俱獲飛仙
四念同志學人早得仙道更相開度
五念九親和睦好尚仁義貴道賤財行為物
範

六念損已布施道士及飢寒者天下人民各
得其所

七念蠕動歧行一切衆生咸蒙成就
八念救貧前生今世罪對立功補過
九念家國隆盛宗廟有人世生賢才

十念專受經師不敢中怠平等一心廣度鬼
獲上仙白日登天拜見太上永成具人雲
車羽駕和與道合真
復爐

香官使者左右龍虎君侍香諸靈官當令臣
行道之所自然生金液丹碧芝英百靈衆具
交會在此香火爐前伏願存亡受福家國霑
恩十方仙童玉女侍衛香煙傳奏臣向來所
啓徑達

至真元極大道玉皇上帝御前
出戶

太上黃籙齋儀卷之七